

## Protocol dalla emprema radunonza generala dil Forum cultural Tujetsch

dils 21 d'uost 1998 allas 20.15 el hotel Posta a Rueras

Tractandas:

1. Beinvegni e presenza
2. Elecziun d'in dumbravuschs
3. Prelecziun ed approbaziun dil protocol dalla radunonza da fundaziun dils 16 da matg 1997
4. Rapport annual 1997/98
5. Rendaquen, rapport dalla revisura ed apporbaziun dil quen
6. Contribuziun annuala
7. Program da lavur 1998/99
8. Varia

**1. Beinvegni e presenza:** Allas uras fixadas sa André Schmid, sco president, arver la radunonza e beneventar 15 persunas. Perstgisau han schau: Berther Conrad, Monego Sep e Schmet Seppa

**2. Elecziun d'in dumbravusch:** Proponius e eligius vegn Tadeus Giossi

**3. Prelecziun ed apporbaziun dil protocol** dalla radunonza da fundaziun dils 16 da matg 1997. Il protocol vegn prelegius dagl actuar ed approbaus unanimamein dils presents senza neginas objecziuns.

**4. Rapport annual 1997/98:** Il rapport annual ei staus publicaus en la davosa Tujetschina. Il president repassa sulet en cuorts plaids ils puncts principals dalla lavur prestada:

- Las lavurs vid il fuorn a Foppas/Surrein ch'ei sco finidas
- La tegia d'alp si Milez cun siu niev tetg da slondas
- La lavur prestada da Tarcisi Hendry en connex cun las ovras da pader Baseli Berther
- Clavau dil schuldau a Plaun Sutè: ils differents discuors cun ils possesurs per saver mantener quel el stan original

**5. Rendaquen:** Il cassier sa rapportar din legreivel quen.

Entradas da	frs 8 840.95
Expensas	frs. 3 317.35
Facultad schubra da	frs. <b>5 523.60</b>

La revisura Bernadetta Cathomen ha repassau ils quens ils 15 d'uost e constatau ch'il quen segi vegnius menaus schuber ed endretg e propona als presents d'approbar il quen e dar scarica all'entira suprastonza.

**6. Contribuziun:** la contribuziun annuala vegn schada sco igl onn vargau sin 30.-- francs per commembers e per fauturs schau liber maun.

**7. Program:** André Schmid repassa il program da lavur che la suprastonza ha mess ensemen:

- Excursiun ni referats per igl atun vegnent. Tgi tgei e co vegn aunc publicau
- Memorial digl onn dils Franzos:
- Baghetg dil franzos a Plaun Sutè: Star vinavon vidlunder e segidar cun ils possesurs
- Crear in post da documentaziun nua che tut vegn presentau en connex cun la historia da nossa val: Quei sa esser biblioteca, videoteca, films, dias, fotas, scartira ed auter bia
- Tarcisi Hendry ei dapi liung temps vid las ovras da pader Baseli Berther. La lavur ei ensemen e curregida gia treis gadas.
- Ulteriuramein menziunescha Tarcisi Hendry ch'ei fuss da renovar la crusch a Zarcuns vid la casa da Stefania Schmid. Igl ei ina crusch che regorda vid la lavina digl onn 1749

## 9. Varia

Sut varia crodan bia bunas ideas ed ins ei stai pertscharts ch'igl interess per la cultura ei avon maun. Numnadamein:

- Localitads per in post da documentaziun
- Beni Hendry ch'ei president dalla cumissiun museum, ei dil meini ch'ei fussi il meglier sche la suprastanza dil forum cultural sorprendess<sup>pro</sup> gest quella incarica.
- Integrar pli bia nos hosps ed jasters en nossa cultura cun mussar films, excursiuns e.a.
- Berther Ivo fa attents da buca emblidar il memorial dalla lavina da Rueras 250 onns e 50 onns il barschament da Selva. *d'avon d'avon*

La fin ha Vic Hendry referiu cuort e fetg interèssant sur da sia nova ovra: Ils franzos vegnan. Sco el ha referiu essan nus presents perschuadi ch'igl ei ina interessanta ovra e che vegn era a svegliar interess en la val.

Suenter ina liunga discussiun sur d'interess culturals, sur finzas e bia ideas novas ha il president saviu serrar la radunonza.

Rueras, settember 1998

Bruno Berther, Rueras

